

Na osnovu člana 16. stav 4. Zakona o Vladi Zeničko-dobojskog kantona-Prečišćeni tekst ("Službene novine Zeničko-dobojskog kantona", broj: 7/10) a u vezi sa članom 49. Poslovnika o radu Vlade ("Službene novine Zeničko-dobojskog kantona", broj: 5/11), na prijedlog Ministarstva za pravosuđe i upravu, Vlada Zeničko-dobojskog kantona, na 51. sjednici, održanoj 09.02.2012. godine, d o n o s i

ZAKLJUČAK

I

Utvrđuje se Prijedlog Zakona o preuzimanju Zakona o državnoj službi u Federaciji Bosne i Hercegovine.

II

Prijedlog Zakona iz tačke I ovog zaključka upućuje se skupštinsku proceduru po hitnom postupku.

III

Zaključak stupa na snagu danom donošenja.

Broj: 02-_____/12.

Datum, 09.02.2012. godine

Z e n i c a

PREMIJER

mr.sci.Fikret Plevljak dipl.ing.

DOSTAVLJENO:

1x Ministarstvo za pravosuđe i upravu,

1x Stručna služba Skupštine,

1x a/a.

PRIJEDLOG

Na osnovu člana 37. stav 1. tačka f) Ustava Zeničko-dobojskog kantona, Skupština Zeničko-dobojskog kantona, na sjednici održanoj __.__.2012. godine, donosi

Z A K O N **O PREUZIMANJU ZAKONA O DRŽAVNOJ SLUŽBI U FEDERACIJI BOSNE I HERCEGOVINE**

Član 1. **(Predmet)**

Ovim zakonom se preuzima i primjenjuje u Zeničko-dobojskom kantonu kao kantonalni zakon, Zakon o državnoj službi u Federaciji Bosne i Hercegovine ("Službene novine Federacije Bosne i Hercegovine" broj: 29/03, 23/04, 39/04, 54/04, 67/05, 8/06 i 4/12).

Član 2. **(Primjena)**

(1) Zakon o državnoj službi u Federaciji Bosne i Hercegovine ("Službene novine Federacije Bosne i Hercegovine" broj: 29/03, 23/04, 39/04, 54/04, 67/05, 8/06 i 4/12) će se primjenjivati do donošenja kantonalnih zakona kojim se uređuju radno-pravni status, kao i plaće i naknade državnih službenika u organima uprave i upravnim organizacijama Zeničko-dobojskog kantona.

(2) Propisi Vlade i organa uprave i upravnih organizacija Zeničko-dobojskog kantona imaju se uskladiti sa ovim zakonom u roku od 30 dana od dana stupanja na snagu ovog zakona.

(3) Do donošenja kantonalnih propisa iz stava (1) ovog člana, obračun plaća i naknada državnim službenicima vršit će se u skladu sa propisima Kantona i aktima organa uprave i upravnih organizacija.

Član 3. **(Stavljanje van snage postojećeg Zakona)**

Stupanjem na snagu ovog zakona stavlja se van snage Zakon o preuzimanju Zakona o državnoj službi u Federaciji Bosne i Hercegovine ("Službene novine Zeničko-dobojskog kantona" broj: 9/10).

Član 4. **(Stupanje na snagu Zakona)**

Ovaj zakon stupa na snagu, narednog dana od dana objavljivanja u „Službenim novinama Zeničko-dobojskog kantona“.

Broj:
Datum,
Zenica,

Predsjedavajući
Skupštine Zeničko-dobojskog kantona

Miralem Galijašević

O B R A Z L O Ž E N J E

I PRAVNI OSNOV

Pravni osnov za donošenje Zakona o preuzimanju Zakona o državnoj službi u Federaciji Bosne i Hercegovine sadržan je u odredbi poglavlja V, odjeljak A, član 37. stav 1. tačka f) Ustava Zeničko-dobojskog kantona, kojim je propisano da Skupština Kantona donosi zakone i ostale propise za izvršenje kantonalnih nadležnosti.

II RAZLOZI ZA DONOŠENJE

Razlog za donošenje ovog zakona je donošenje Zakona o izmjenama i dopunama Zakona o državnoj službi ("Službene novine Federacije Bosne i Hercegovine", broj: 4/12) kojim je u izmjenjenim odredbama prije svega implementirana presuda Ustavnog suda Federacije Bosne i Hercegovine, broj: 27/09 od 20. aprila 2010. godine kojom je utvrđeno da član 1. stav 1. Zakona o državnoj službi u Federaciji Bosne i Hercegovine ("Službene novine Federacije Bosne i Hercegovine", broj 29/03, 23/04, 39/04, 54/04, 67/05 i 8/06) u dijelu koji glasi "kantonu, gradu i općini" nije u saglasnosti sa Ustavom Federacije Bosne i Hercegovine. Osim toga, dopunama se, kod općih uslova za zasnivanje radnog odnosa, pored VII stepena stručne spreme uvodi visoko obrazovanje prvog, drugog ili trećeg ciklusa Bolonjskog sistema studiranja, kao i mogućnost da se namještenik državne službe, koji je stekao VII stepen stručne spreme ili visoko obrazovanje prvog, drugog ili trećeg ciklusa Bolonjskog sistema studiranja, a koji ima najmanje 5 godina radnog iskustva, može prijaviti na konkurs za radno mjesto stručnog saradnika u organu državne službe, bez obaveze obavljanja pripravnčkog staža. Takođe je brisano V. POGLAVLJE-PLAĆE I NAKNADE.

Zakonom o preuzimanju Zakona o državnoj službi Federacije Bosne i Hercegovine ("Službene novine Zeničko-dobojskog kantona", broj 9/10), preuzet je federalni Zakon o državnoj službi, a što je u skladu sa napred navedenom presudom Ustavnog suda Federacije Bosne i Hercegovine. Preuzimanjem federalnog zakona na odgovarajući način je regulisan radno pravni status državnih službenika u kantonalnim organima uprave i upravnim organizacijama. Odredbom člana 1. stav 2. Zakonom o preuzimanju Zakona o državnoj službi Federacije Bosne i Hercegovine propisano je da će o primjeni svih naknadnih izmjena i dopuna Zakona o državnoj službi u Federaciji Bosne i Hercegovine, odlučivati Skupština Zeničko-dobojskog kantona.

Kako je Zakon o izmjenama i dopunama Zakona o državnoj službi ("Službene novine Federacije Bosne i Hercegovine", broj: 4/12), stupio na snagu, te imajući u vidu da je u pripremi tekst kantonalnog zakona kojim će se regulisati radno-pravni status državnih službenika i namještenika, a sada je ovaj status definisan Zakonom o preuzimanju Zakona o državnoj službi Federacije Bosne i Hercegovine, to je neophodno po hitnom postupku, u skladu sa članom 141. Poslovnika Skupštine Zeničko-dobojskog kantona („Službene novine Zeničko-dobojskog kantona“., broj: 12/09, 19/09, 5/10), donijeti ovaj zakon, a ne izmjene i dopune Zakona o preuzimanju Zakona o državnoj službi Federacije Bosne i Hercegovine

Donošenje Zakona po hitnom postupku se predlaže, jer bi donošenje zakona u redovnom postupku moglo izazvati štetne posljedice za društvene interese kantona (nije regulisan radno-pravni status državnih službenika, plaće i naknade, disciplinska odgovornost, premještaj, zapošljavanje...).

III OBRAZLOŽENJE PRAVNIH RJEŠENJA

Članom 1. predloženog Zakona preuzet je kao kantonalni Zakon o državnoj službi u Federaciji Bosne i Hercegovine ("Službene novine Federacije Bosne i Hercegovine", broj 29/03, 23/04, 39/04, 54/04, 67/05, 8/06 i 4/12),

Članom 2. definisana je primjena istog zakona do donošenja kantonalnog zakona, rokovi za usklađivanje propisa Vlade i organa uprave i upravnih organizacija kao i primjena propisa Kantona koji

regulišu obračun plaća i naknada državnim službenicima do donošenja kantonalnih propisa, budući da je u federalnom zakonu brisano V. POGLAVLJE-PLAĆE I NAKNADE.

Članom 3. propisano je stavljanje van snage Zakon o preuzimanju Zakona o državnoj službi u Federaciji Bosne i Hercegovine ("Službene novine Zeničko-dobojskog kantona" broj: 9/10).

Članom 4. propisano je stupanje na snagu Zakona.

IV FINANSIJSKA SREDSTVA

Ovaj zakon ne zahtjeva obezbjeđenje dodatnih finansijskih sredstava u Budžetu Zeničko-dobojskog kantona.

MINISTAR

Miroslav Penko